

**Pindaan Dicapang Terhadap Kanun Tatacara Jenayah
Bernama
18 April , 2012**

KUALA LUMPUR, 18 April (Bernama) -- Pindaan yang dicadangkan terhadap Kanun Tatacara Jenayah antaranya bertujuan mengadakan peruntukan mengenai peranti pengawasan elektronik terhadap pesalah di bawah kesalahan keselamatan, kata Menteri di Jabatan Perdana Menteri Datuk Seri Mohamed Nazri Abdul Aziz.

Beliau berkata pindaan itu juga bagi menangani kelompongan undang-undang dalam menghadapi jenayah siber yang semakin berleluasa dan mengadakan peruntukan mengenai pertambahan kuasa penyiasatan.

"Bagi meneruskan reformasi perundangan yang dihasratkan oleh kerajaan, pindaan juga dibuat untuk membolehkan penggunaan peranti pengawasan elektronik dalam sistem pentadbiran keadilan.

"Penggunaan peranti pengawasan elektronik akan dilaksanakan sebagai ganti kepada bayaran bon semasa tertuduh diberikan jaminan sementara menunggu perbicaraan dan juga semasa menunggu rayuan diputuskan.

"Dengan peruntukan yang dicadangkan, tertuduh yang tidak mampu untuk membayar bon jaminan boleh dipertimbangkan oleh mahkamah untuk diawasi secara elektronik dan tidak perlu ditahan di penjara sementara menunggu perbicaraannya," katanya ketika membentangkan Rang Undang-Undang Kanun Tatacara Jenayah (Pindaan) (No.2) 2012 bagi bacaan kali kedua, di Parlimen di sini Selasa.

---BERNAMA

Hakcipta © 2012 BERNAMA

Source:<http://www.bernama.com/bernama/v6/bm/newsindex.php?id=659830>